



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Na: Presidente di Parlamento di Kòrsou
Sra. Ch. America-Francisca
Wilhelminaplein 4
Presente

Willemstad, 11 April 2024

Tópiko: Pregunta na Minister di Salubridat Públiko sr J.Silvania riba Subida remarkabel di kasonan di dengue!

Honorabel sra. America-Francisca,

Señora presidente, pa medio di e karta aki suskrito ke hasi uso di artíkulo 96 di Reglamentu di Òrdu i ta pidi enkaresidamente pa bo persona por dirigí e karta aki ku e Tópiko: 'Subida remarkabel di kasonan di dengue!' na Minister di Salubridat Públiko sr J. Silvania.

Atentamente

Ana Maria Pauletta
Frakshon di PAR





PARLAMENTO DI KÒRSOU

Parliament of Curaçao · Parlamento de Curazao · Staten van Curaçao

PRESIDENTE DI PARLAMENTO
DI KÒRSOU

Na
Minister di Salubridat Públiko, Medio Ambiente i Naturalesa
Sr. J.F.A. Sylvania
Colon Building z/n
Presente

Willemstad, 12 di aprel 2024

Bo referensia:

Bo karta:

Nos number:
23-24/00742-0

Tópiko: Karta konforme artíkulo 96 di Reglamento di Òrdu


Apresiabel señor Minister Sylvania ,

Konforme artíkulo 96 di Reglamento di Òrdu di Parlamento di Kòrsou, mi ta dirigí un karta na señor Minister, ku 2 pregunta di miembro di Parlamento señora A.M.V. Pauletta.

Nos ta keda pendiente pa un reakshon.

Atentamente,

Presidente di Parlamento,



Sra. Ch.M. America-Francisca



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Minister di Salubridat, Medio Ambiente i Naturalesa
Sr. J. Silvania i sr. G. Pisas
Colon
Presente

Kòrsou, 11 di aprel 2024

Tópiko: Subida remarkabel di kasonan di dengue!

Apresiabel Minister Silvania i/of minister Pisas,

Durante e último simannan a presentá e preokupashon bou di komunidad pa ku un oumento drástiko di kasonan di e malesa dengue. Ta asina ku asta tabatin kasonan, kaminda ku e enfermedat tabatin konsekuensia fatal.

Segun informashon ku suskrito ta disponé di dje, e subida drástiko aki, no por keda considerá komo parti di e siklo normal. Ta asina ku Kòrsou sa konosé un subida di kasonan di dengue durante temporada di yobida, pero e subida aktual a kuminsá hustamente despues di e temporada di awa seru.

E echo ku no tin klaridat ofer di e cambio drástiko di komportashon di e sanguranan ta di preokupashon. Sigur teniendo kuenta ku e malesa di dengue por tin konsekuensianan fatal. Kambionan klimatológiko, adaptashon di e sangura na un klima mas seku, lugánan mas húmedo na Kòrsou kaminda tin foko di sangura of e sistema di monitoreo di dengue no a aktua na tempu, tur por ta posibel motibunanan pa ku e cambio di patronchi aki.

Durante di e pandemia di COVID, komo pais nos a siña ku akshon direkto i rápido, ta e mihó forma pa atendé ku e konsekuensianan di kualke posibel epidemia. Ademas di protekshon inmediato di gruponan di rísiko; entre otro nos mucha i hóbennan, adultonan mayó i personanan ku un malesa króniko.

Den kuadro di esaki, suskrito tin algun pregunta:

1. Minister lo por informá Parlamento kua ta e akshonnan ku a keda tumá pa investigá e cambio di patronchi di e malesa di dengue? I den kuantu tempu nos lo por haña e resultado di e investigashon aki ?
2. Ministerio di GMN a tuma akshon pa protehá e gruponan mas vulnerabel, miéntras no tin masha klaridat di e motibunanan di e subida di kasonan di dengue? Minister lo por informá Parlamento di esaki ?

Danki di antemano,

Ana Maria Pauletta
Miembro di Parlamento, Partido Alternativa Real

